

Universitätsbibliothek Paderborn

**De Monstris Et Monstrosis, Qvam Mirabilis, Bonvs, Et
Ivstvs, In Mvndo Administrando, Sit Devs, Monstrantibvs**

Stengel, Georg

Ingolstadij, 1647

§. 13. Linguam potius, quàm virginitatem amittens martyr.

[urn:nbn:de:hbz:466:1-51168](#)

abscidit, dentesq; fœdum in modum rete-
xit. Hoc exemplum ceteræ omnes imita-
tæ, se ipsas pariter denasauerunt. Erat tunc
miserabilis & verè monstrosus earum aspe-
ctus; qui superuenientes hostes ita deter-
ruit, ut nullam omnium cuperent atta-
minare. Quas igitur venerant violatas
occisuri, intactas, in suaue Numinis holo-
caustum vnâ cum monasterio concremâ-
runt, ipsi naso suspensi, quia nimium na-
suti prædam malè odorati fuerunt. Hor-
rentur alioqui monstra, has sine naribus ac
labris virgines monstrosas factas, Deus
tanto magis amauit, tamquam ipsa mon-
strositate decoratas.

§. X III.

*Linguam potius quam virginitatem amittens
martyr.*

Ad hanc classem pertinet Ascetes ille,
qui castitatem & virtutes alias p[ro]i[ect]is studijs se- Niceph[orus]
dulò meditans & equali decertauit agone. Is cùm l. 2. histo-
expugnari omnino non potuisse, nullamq[ue] ad- Eccl. 6. 13.
uersarijs vincendi spem reliquisset, post innu-
mera tormenta, in lecto vinculis ligatus reponi-
tur: & mulier impudica ad eum immittitur,
qua illum complectens, exosculans, manusq[ue]
perulanter ad membra secreta adhibens, pro-

B b sacissimè

cacissimè ad rem illicitam, nihil prorsus lasciviam, & illecebrarum pratermittens, concitat. Iste aliud, quod faceret, non habens, linguam ipse suam morsu concisam, dentibusq; comminutam in faciem meretricis expuit. Quare sibi ipsi quidem pro voluptate acres dolores, impudicæ autem illi probram atq; stuporem, cum acerbitate, tam vehementibus illis illecebrarū insultationibus superior, conciliavit. Et sicut in certamine pudicitia aduersus eam vicerit, ita paulo post vitam martyrij sigillo confirmavit. Nimirum qui didicit vulneratus vincere, meritò triumphauit moriendo; & mortuus est, ut triumpharet. Pergite, qui castitati cauetis, virtutem hanc adumbrare; si non fas est vobis linguam premordere, licet tamen vobis cum Paulo corpus castigare, & flagellis sauire in terga, & ibi quoque erubescere. Veneris faces, quæ vino accenduntur, sanguine extinguuntur. Nemo se hic excusat, nemo inermem putet ad pugnandum pro castitate. Hic iuuenis vinctus, cùm alia omnia deessent, telum in ore reperit, quod impudicæ Thaidi in faciem iacularetur. Nimirum hæc oratio illius fuit;

Gramm.

